

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

রবিবার, জুন ১৩, ১৯৯১

গণপ্রজাতন্ত্রী বাংলাদেশ সরকার

অর্থ মন্ত্রণালয়

অভ্যন্তরীণ সম্পদ বিভাগ

(কাস্টমস্ ও মূল্য সংযোজন কর)

প্রজ্ঞাপন

তারিখ, ২৭শে জ্যৈষ্ঠ ১৪০৬/১০ই জুন ১৯৯১

এস, আর ও নং ১৫১-আইন/৯৯/১৭৮৭ কাস্টমস্ ও মসক—The Customs Act, 1969 (IV of 1969) এর Section 21(b) এবং মূল্য সংযোজন কর আইন, ১৯৯১ (১৯৯১ সনের ২২ নং আইন) এর ধারা ৬৬তে প্রদত্ত ক্ষমতাবলে সরকার দেশের যে কোন Export processing Zone এলাকায় স্থাপিত শিল্প প্রতিষ্ঠান কর্তৃক আমদানীকৃত গাড়ী (কার), পিকআপ, জীপ এবং মাইক্রোবাস এর উপর আরোপনীয় সমুদয় পরিমাণ কাস্টমস্ ডিউটি, মূল্য সংযোজন কর, অবকাঠামো উন্নয়ন সারচার্জ এবং ক্ষেত্রমত সম্পূরক শুল্ক নিম্নোক্ত শর্ত পালন সাপেক্ষে, মওকুফ করিল, যথা :

- ১। (ক) আমদানীকারক প্রতিষ্ঠানটিতে শতকরা একশত ভাগ বিদেশী পুঞ্জি বিনিয়োগ হইতে হইবে, অথবা
- (খ) আমদানীকারক প্রতিষ্ঠানটি যৌথ উদ্যোগে স্থাপিত হওয়ার ক্ষেত্রে—
- (অ) বিদেশী পুঞ্জি বিনিয়োগের পরিমাণ শতকরা পঞ্চাশ ভাগের অধিক হইতে হইবে অথবা

( ৩২৩৯ )

মূল্য : টাকা ২.০০

(আ) বিদেশী পুঁজি বিনিয়োগের পরিমাণ শতকরা পঞ্চাশ ভাগের অধিক না হইলে শিল্প প্রতিষ্ঠানটিতে অন্তত পাঁচশত জন বাংলাদেশী নাগরিকের কর্মসংস্থান করা হইয়াছে বা হইবে এই মর্মে Bangladesh Export processing Zones authority এর নিকট হইতে একটি প্রত্যয়নপত্র শুল্ক কর্তৃপক্ষের নিকট দাখিল করিতে হইবে।

২। উক্তরূপ কোন একটি শিল্প প্রতিষ্ঠান পিকআপ, জীপ, মাইক্রোবাস এবং ২০০০ সি সি পর্যন্ত গাড়ী (কার) এই চার ধরনের যানবাহনের মধ্যে দুইটি যানবাহন আমদানী করিতে পারিবে। তবে শর্ত থাকে যে, উক্ত শিল্প প্রতিষ্ঠান উক্তরূপ দুইটি যানবাহন ছাড়াও উপরে বর্ণিত চার ধরনের যানবাহনের মধ্যে অতিরিক্ত আরও একটি যানবাহন এই প্রজ্ঞাপনে বর্ণিত কাষ্টমস্ ডিউটি, অন্যান্য শুল্ক কর অব্যাহতির আওতায় আমদানী করিতে পারিবে, যদি Bangladesh Export processing Zones authority এই মর্মে প্রত্যয়ন করে যে, সংশ্লিষ্ট শিল্প প্রতিষ্ঠানটিতে—

(ক) কমপক্ষে দশ লক্ষ মার্কিন ডলার বা সমপরিমাণ অর্থ বিনিয়োগ করা হইয়াছে; এবং

(খ) কমপক্ষে পাঁচশত বাংলাদেশী নাগরিক নিয়োজিত রহিয়াছে।

৩। উক্ত গাড়ী (কার), পিকআপ, জীপ ও মাইক্রোবাসের শুল্ক নিরূপণ ও শুল্ক খালাসের সময় Bangladesh Export processing Zones authority এর অনুমোদন ও তৎসংক্রান্ত প্রত্যয়নপত্র শুল্ক কর্তৃপক্ষের নিকট দাখিল করিতে হইবে।

৪। এই আদেশের আওতাধীনে আমদানীকৃত ও খালাসকৃত সকল গাড়ী (কার), পিকআপ, জীপ ও মাইক্রোবাসের পূর্ণ বিবরণ ও হিসাব Bangladesh Export processing Zones authority কর্তৃক সংরক্ষিত হইবে।

৫। এই আদেশের আওতাধীনে আমদানীকৃত গাড়ী (কার), পিকআপ, জীপ এবং মাইক্রোবাস খালাসের তারিখ হইতে পাঁচ বৎসরের মধ্যে বিক্রয়ের মাধ্যমে বা প্রকারান্তরে হস্তান্তর করা যাইবে না। খালাসের তারিখ হইতে পাঁচ বৎসর পর উহা হস্তান্তর করিতে চাহিলে আয়কর বিভাগের প্রচলিত বিধি অনুযায়ী অবচয়িত মূল্যের উপর প্রযোজ্য হারে কাষ্টমস্ ডিউটি, মূল্য সংযোজন করসহ অন্যান্য সকল প্রকার শুল্ক-করাদি, সংশ্লিষ্ট ই, পি জেড যে শুল্ক কর্তৃপক্ষের অধিক্ষেত্রভুক্ত সে শুল্ক কর্তৃপক্ষের নিকট পরিশোধপূর্বক উল্লেখিত গাড়ী (কার), পিকআপ, জীপ বা মাইক্রোবাস হস্তান্তরের পূর্বে অনুমতি গ্রহণ করিতে হইবে।

৬। এই আদেশের আওতাধীনে আমদানীকৃত গাড়ী (কার), পিকআপ, জীপ এবং মাইক্রোবাসের নম্বর প্লেটের ক্রমিক নম্বরের পূর্বে “বেপজা” শব্দটি লিখিতে হইবে।

৭। এই আদেশের আওতাধীনে আমদানীকৃত গাড়ী (কার), পিকআপ, জীপ এবং মাইক্রোবাস আমদানীকারক শিল্প প্রতিষ্ঠানের উৎপাদন ও সংশ্লিষ্ট কাজ ব্যতিরেকে অন্য কোন কাজে বা কোন বাণিজ্যিক উদ্দেশ্যে ব্যবহার করা যাইবে না।

(০২) উপরি-উল্লিখিত যে কোন শর্ত ভঙ্গ করা হইলে উহা Customs Act, 1969 (IV of 1969) এর অধীন শাস্তিযোগ্য অপরাধ বলিয়া গণ্য হইবে।



(০০) এই প্রজ্ঞাপন ইতোপূর্বে একই বিষয়ে Customs Act, 1969 (IV of 1969) এবং মূল্য সংযোজন কর আইন ১৯৯১ (১৯৯১ সনের ২২ নং আইন) এর অধীনে জারীকৃত নিম্নবর্ণিত প্রজ্ঞাপনসমূহের স্থলাভিষিক্ত হইবে এবং উক্ত প্রজ্ঞাপনগুলি বাতিল হইয়াছে বলিয়া গণ্য হইবে। যথা:

- (১) ১২ই আশ্বিন, ১৩৯৬ বাংলা মোতাবেক ২৭শে সেপ্টেম্বর, ১৯৮৯ ইংরেজী তারিখের এস, আর, ও নং ৩৩২-আইন/৮৯/১২৩৬/শৃঙ্খক;
- (২) ৪ঠা আশ্বিন, ১৩৯৭ বাংলা মোতাবেক ২০শে সেপ্টেম্বর; ১৯৯০ ইংরেজী তারিখের এস, আর, ও নং ৩৩১-আইন/৯০/১৩৩৫/শৃঙ্খক;
- (৩) ৭ই অগ্রহায়ণ, ১৪০০ বাংলা মোতাবেক ২১শে নভেম্বর, ১৯৯০ ইংরেজী তারিখের এস, আর, ও নং ২২৯-আইন/৯০/১৫৩৩/শৃঙ্খক;
- (৪) ১৩ই মাঘ, ১৩৯৮ বাংলা মোতাবেক ২৭শে জানুয়ারী, ১৯৯২ ইংরেজী তারিখের এস, আর, ও নং ১৮-আইন/৯২/৮/শৃঙ্খক; এবং
- (৫) ১২ই আশ্বিন, ১৪০১ বাংলা মোতাবেক ২৭শে সেপ্টেম্বর; ১৯৯৪ ইংরেজী তারিখের এস, আর, ও নং ২৮০-আইন/৯৪/৮৮/শৃঙ্খক।

আবদুল মদুদ চৌধুরী  
সচিব।

মোঃ আবদুল করিম সরকার (উপ-সচিব), উপ-নিয়ন্ত্রক, বাংলাদেশ সরকারী মুদ্রণালয়  
ঢাকা কর্তৃক মুদ্রিত।

মোঃ আমিন জুবেরী আলম, উপ-নিয়ন্ত্রক, বাংলাদেশ ফরমস্ ও প্রকাশনী অফিস,  
তেজগাঁও, ঢাকা কর্তৃক প্রকাশিত।